

Supervizor za Brčko pozdravio formiranje vlasti



Supervizor za Brčko dr Raffi Gregorian pozdravio je današnje formiranje vlasti u Distriktu Brčko. On je čestitao novoimenovanim zvaničnicima, gradonačelniku Distrikta Brčko Draganu Pajiću, predsjedniku Skupštine Distrikta Brčko Mirsadu Đapi i zamjeniku predsjednika Skupštine Ivanu Krndelju. On je takođe izrazio svoje očekivanje da će oni obavljati svoje dužnosti u skladu sa zakletvom koju su položili da će se pridržavati Statuta i zakona Distrikta, odluka Arbitražnog tribunala i Ustava BiH.

Supervizor Gregorian se nada da će uskoro biti imenovani novi sposobni šefovi odjeljenja koji nisu bili u sastavu prethodne izvršne vlasti, kako bi se omogućilo da Vlada Distrikta funkcioniše u potpunosti i da se uhvati u koštač sa problemima koji su se nagomilali tokom protekla četiri mjeseca.

Nema vremena za gubljenje – nakon više od četiri mjeseca nakon izbora, poslanici su samo uspjeli da imenuju gradonačelnika, predsjednika i zamjenika predsjednika Skupštine. Novi predsjednik Skupštine mora nastojati da prevaziđe mnoge bojazni koje su iskazane u vezi sa njegovim postupcima u prethodnoj vradi, dok novi gradonačelnik mora da pokaže da će upravljati izvršnom vlašću u ime svih stanovnika Brčkog. Od Skupštine Distrikta Brčko supervizor Gregorian očekuje da odmah usvoji rezoluciju o ustavnom amandmanu o Brčkom koju su poslanici jednoglasno prihvatili prethodnog mjeseca, da se pozabavi pitanjem budžeta za 2009. godinu i da odlučno, što je moguće brže, kreće naprijed u implementaciji svoje nove platforme.